



## Revisiun parziala da la planisaziun locala Publicaziun da la decisiun d'approvaziun

### Ledscha cumünala davart las abitaziuns secundaras e plan general da fuormaziun «stabilimaints characteristics pel purtret dal lö»

La cumünanza d'urna dal cumün da Scuol ha acceptà als 10 gün 2018 üna revisiun parziala da la planisaziun locala. Als 19 marz 2019 (protocol 178) ha approvà la Regenza dal chantun Grischun – in basa a la ledscha chantunala davart la planisaziun dal territori (Kantonales Raumplanungsgesetz KRG), art. 49 – quista revisiun parziala cullas seguaintas resalvas e cundiziuns relevantas:

#### *Ledscha cumünala davart las abitaziuns secundaras*

- Remarcha: Cun transfuormar ün stabilimaint carasteristic pel purtret dal lö es d'examinar scha'l mantegnimaint saja pussibel eir sainza integrar ün'abitaziun secundara.
- La segunda frasa da l'art. 9 al. 4 nu vain approvà.

#### *Plan general da fuormaziun «Stabilimaints characteristics pel purtret dal lö»*

- Il plan general da fuormaziun vain approvà cun remarchas e la cundiziun da far – in connex culla revisiun totala currainta – correcturas e determinaziuns pro trais ogets.

- Mezs da planisaziun**
- Ledscha cumünala davart las abitaziuns secundaras (LcAS)
  - Plan general da fuormaziun «stabilimaints characteristics pel purtret dal lö» 1 : 1 000 per Ardez, Ftan, Guarda, Scuol, Sent e Tarasp

Id es pussibel da tour invista illa decisiun d'approvaziun cumpletta da la Regenza sco eir illas actas approvadas, quai dürant 30 dis a partir da la data da publicaziun, dimena fin als 16 mai 2019.

Lö ed urari: Uffizi da fabrica, Bagnera 171, 7550 Scuol; lündeschdi fin venderdi 10:00 fin 12:00 o tenor cunvegna (telefon 081 861 27 20).

Cunter las resalvas, cundiziuns ed ordinaziuns da la Regenza as poja far recuors pro'l tribunal administrativ dal Grischun, Obere Plessurstrasse 1, 7001 Cuaira, quai infra 30 dis a partir da la data da publicaziun (basa: art. 102 al. 1 KRG sco eir la ledscha chantunala davart la giurisdicziun administrativa).